

# Mjerljive funkcije

Andjela Mijanovic

April 3, 2020

**Def:** Neka je  $(X, \mathfrak{M}, \mu)$  prostor sa mjerom i  $f : X \rightarrow \bar{R}$  (sa  $\bar{R}$  označavamo skup  $R \cup \{-\infty, +\infty\}$ ). Kažemo da je  $f$  mjerljiva funkcija ako je ispunjen jedan od četiri sljedeća međusobno ekvivalentna uslova:  
i) za svako  $c \in R$  skup  $\{x \in R : f(x) < c\}$  je mjerljiv;  
ii) za svako  $c \in R$  skup  $\{x \in R : f(x) \leq c\}$  je mjerljiv;  
iii) za svako  $c \in R$  skup  $\{x \in R : f(x) > c\}$  je mjerljiv;  
iv) za svako  $c \in R$  skup  $\{x \in R : f(x) \geq c\}$  je mjerljiv.

## 1. Zadatak 1.

Dokazati da ako je funkcija  $f : R \rightarrow R$  neprekidna da je tada  $f$  i mjerljiva.

**Rešenje:**

Neka je  $A = \{x \in R : f(x) < c\}$ ,  $c \in R$ . Treba dokazati da je  $A$  mjerljiv, tj. da pripada Borelovoj sigma algebri za svako  $c \in R$ . Dakle, treba pokazati da je skup  $A$  otvoren za svako  $c \in R$ . Primijetimo da  $A = f^{-1}((-\infty, c))$ . Kako je skup  $(-\infty, c)$  otvoren i funkcija  $f$  je neprekidna zaključujemo da je i skup  $A$  otvoren ako inverzna slika otvorenog skupa pri neprekidnom preslikavanju.

## 2. Zadatak 2.

Neka je  $f_n$  niz mjerljivih funkcija. Dokazati, da skup tačaka u kojima  $\lim_{n \rightarrow \infty} f_n(x)$  postoji i konačan je, čini mjerljiv skup.

**Rešenje:** Skup tačaka u kojima postoji  $\lim_{n \rightarrow \infty} f_n(x)$  i konačan je možemo da opišemo kao

$$A = \{x \in X : \limsup f_n(x) - \liminf f_n(x) = 0\}$$

Uvedimo pomoćnu funkciju  $h(x) = \limsup f_n(x) - \liminf f_n(x)$ . Tada se naš skup može zapisati kao

$$A = \{x \in X : h(x) = 0\} = h^{-1}(-\infty, 0] \cap h^{-1}[0, +\infty).$$

Zadatak ćemo završiti ako dokažemo da je  $h$  mjerljiva funkcija, jer u tom slučaju, direktno iz definicije će slijediti da je naš skup presjek dva mjerljiva skupa, dakle mjerljiv skup.

Da bi dokazali da je  $h$  mjerljiva dovoljno je pokazati da su funkcije  $f(x) = \limsup f_n(x)$  i  $g(x) = \liminf f_n(x)$  mjerljive.

Trebamo samo znati da je  $\limsup_{n \rightarrow \infty} f_n(x) = \inf_{n \geq 1} \sup_{k \geq n} f_k(x)$  i  $\liminf_{n \rightarrow \infty} f_n(x) = \sup_{n \geq 1} \inf_{k \geq n} f_k(x)$ .

Mjerljivost funkcije  $f$  slijedi na osnovu:

$$\{x \in X : \sup_{k \geq n} f_k(x) > c\} = \bigcup_{k \geq n} \{f_k(x) > c\}. \quad (1)$$

Na desnoj strani u (1) imamo prebrojivu familiju mjerljivih skupova, jer  $\{f_k\}$  su mjerljive funkcije. Pa je skup na lijevoj strani u (1) mjerljiv, tj.  $g_n(x) = \sup_{k \geq n} f_k(x)$  je mjerljiva.

Kako je :

$$f(x) = \limsup f_n(x) = \inf_{n \geq 1} g_n = -\sup_{n \geq 1} (-g_n(x)). \quad (2)$$

Iz (2) slijedi da je  $f$  mjerljiva funkcija kao kompozicija mjerljivih funkcija.

Analogno se dokazuje da je funkcija  $g$  mjerljiva.

Zaključujemo da je  $h$  mjerljiva funkcija.

### 3. Zadatak 3.

Neka je  $\mathfrak{A}$  neka  $\sigma$ -algebra na  $R$  i neka je  $\mathfrak{M} = \{A \times R | A \in \mathfrak{A}\}$ . Dokazati da je:

a)  $\mathfrak{M}$   $\sigma$ -algebra.

b) Da li su funkcije  $f(x, y) = x + 1$  i  $g(x, y) = y^2$   $\mathfrak{M}$ -mjerljive?

**Resenje:** a) Uraditi za vježbu.

b) Podsetimo se prvo definicije mjerljive funkcije, a potom uočimo da je

$$\{(x, y) \in R^2 : f(x, y) < c\} = \{(x, y) \in R^2 : x < c - 1\} = (-\infty, c - 1) \times R.$$

Ovakav skup pripada familiji  $\mathfrak{M}$  za svako  $c$ , akko svi intervali oblika  $(-\infty, c - 1)$  pripadaju  $\sigma$ -algebri  $\mathfrak{A}$ . Medjutim, imamo

$$[a, b) = (-\infty, b) \setminus (-\infty, a) \in \mathfrak{A}$$

i  $(a, b) = \bigcup_{n=1}^{+\infty} [a + \frac{1}{n}, b]$ , pa tada  $\mathfrak{A}$  sadrži sve otvorene intervale. Time  $\mathfrak{A}$  sadrži sve otvorene skupove, jer svaki otvoreni skup se može prikazati kao najviše prebrojiva unija otvorenih intervala, a time i sve Borelove. Tako zaključujemo da je  $f$  mjerljiva, ako i samo ako je  $\mathfrak{A} \supseteq \mathfrak{B}$ .

Što se tiče funkcije  $g$ , stvari stoje drugačije.

Možemo konstatovati da je skup  $\{(x, y) \in R^2 : g(x, y) < c\}$ , prazan za  $c \leq 0$ , (time naravno pripada  $\mathfrak{M}$ ), odnosno jednak je  $R \times (-\sqrt{c}, \sqrt{c})$ , za  $c > 0$ . Za bilo koje  $c$  ovakav skup ne pripada  $\mathfrak{M}$ , jer bi, u tom slučaju, druga koordinata morala da bude slobodna. Dakle, nikad nije mjerljiva.

### 4. Zadatak 4.

Neka je  $x \in [0, 1)$  i  $x = 0, n_1 n_2 n_3 \dots$ , gdje su  $n_i$  - cifre i  $f(x) = \max_i n_i$ . Dokazati da je:

a)  $f$  mjerljiva; b)  $f(x) = \limsup_{i \rightarrow \infty} n_i$  mjerljiva.

**Resenje:**

Pokažimo prvo da je  $f(x) = 9$  skoro svuda na  $[0, 1)$ .

Treba pokazati da je  $\mu(\{x \in [0, 1) : f(x) \neq 9\}) = 0$ . Da bi to pokazali, konstruišimo skup  $F$  - skup svih brojeva sa  $[0, 1)$  koji u svom dekadnom zapisu ne sadrže cifru 9. Tada je:

$$F_1 = [0, 1) \setminus [0.9, 1)$$

$$F_2 = F_1 \setminus [0.09, 0.1) \cup [0.19, 0.2) \cup \dots \cup [0.89, 0.9)$$

$F = \bigcap_{n=1}^{+\infty} F_n$ . Pa je

$$\mu(F) = 1 - \mu\left(\bigcup_{n=1}^{+\infty} \bigcup_{k=1}^{9^{n-1}} \Delta_{nk}\right) = 1 - \frac{1}{10} \sum_{n=1}^{+\infty} \frac{9^{n-1}}{10^n} = 1 - 1 = 0.$$

Slijedi da je  $f(x) = 9$  s.s na  $[0, 1)$  pa je  $f$  mjerljiva na osnovu zadatka 1.

b) Uvedimo pomoćne funkcije  $f_i(x) = n_i$ . Funkcije  $f_i$  su mjerljive (na osnovu a), pa je  $f$  mjerljiva na osnovu zadatka 2.

### 5. Zadatak 5.

Ako je funkcija  $f^3$  mjerljiva na skupu  $E$ , dokazati da je tada i funkcija  $f$  mjerljiva na  $E$ .

**Resenje:** Ako je funkcija  $f^3(x)$  mjerljiva na  $E$ , tada je za svako  $c \in R$  skup

$$\{x \in E : f^3(x) > c\}$$

mjerljiv. Kako je

$$\{x \in E : f^3(x) > c\} = \{x \in E : f(x) > \sqrt[3]{c}\}.$$

Sijedi da je skup  $\{x \in E : f(x) > \sqrt[3]{c}\}$  mjerljiv za proizvoljno  $c$ , odnosno slijedi da je funkcija  $f(x)$  mjerljiva.

## 6. Zadatak 6.

Pokazati da ako je funkcija  $f^2$  mjerljiva na  $E$ , funkcija  $f$  ne mora biti mjerljiva.

**Rešenje:**

Neka je  $A$  neki nemjerljiv podskup u  $R$ . Defunišimo funkciju  $f$  na sl. način:

$$f(x) = \begin{cases} 1, & \text{ako } x \in A; \\ -1, & \text{ako } x \in A^C; \end{cases}$$

Tada je  $\{x \in R : f(x) > 0\} = A$  i  $A$  je nemjerljiv skup, slijedi da funkcija  $f(x)$  nije mjerljiva.

S druge strane,  $f^2(x) = 1$  za svako  $x \in R$ , pa na osnovu zad.1 funkcija  $f^2$  je mjerljiva.

## 7. Zadatak 7.

Pokazati da ako je funkcija  $f(x)$  mjerljiva na svakom segmentu  $[\alpha, \beta]$ , gdje je  $a < \alpha < \beta < b$ , funkcija  $f(x)$  je mjerljiva na  $[a, b]$ .

**Rešenje:** Odaberimo niz tačaka  $\alpha_1 > \alpha_2 > \dots$  koji teži ka  $a$  i niz tačaka  $\beta_1 < \beta_2 < \dots$  koji teži ka  $b$ .

Jasno je da je

$$(a, b) = \bigcup_{i=1}^{+\infty} [\alpha_i, \beta_i].$$

Kako je  $f(x)$  mjerljiva na proizvoljnom  $[\alpha_i, \beta_i]$  to za svako  $c \in R$  skup

$$E_i = [\alpha_i, \beta_i] \cap \{x \in R : f(x) > c\}$$

mjerljiv. Kako je

$$\bigcup_i E_i = (a, b) \cap \{x \in R : f(x) > c\}$$

to je skup  $(a, b) \cap \{x \in R : f(x) > c\}$  mjerljiv za proizvoljno  $c \in R$ .

Slijedi da je  $f(x)$  mjerljiva na  $(a, b)$ . Kako se segment  $[a, b]$  razlikuje od intervala  $(a, b)$  samo na skupu mjere 0, to je  $f(x)$  mjerljiva na  $[a, b]$ .

## Zadatak 8.

Ako je funkcija  $f : [a, b] \rightarrow R$  neprekidna na  $[a, b]$  i diferencijabilna na  $(a, b)$ , dokazati da je  $f'(x)$  mjerljiva na  $(a, b)$ .

**Rešenje:** Posmatrajmo funkciju

$$\phi_n(x) = \frac{f(x + \frac{1}{n}) - f(x)}{\frac{1}{n}}$$

ona je definisana i mjerljiva na  $[a, b - \frac{1}{n}]$ .

$\lim_{k \rightarrow \infty} \phi_k(x) = f'(x)$  postoji za sve  $x \in (a, b - \frac{1}{n}]$ , pa na osnovu zadatka 2 slijedi da je  $f'(x)$  mjerljiva na  $(a, b - \frac{1}{n}]$ . Kako je

$$(a, b) = \bigcup_{i=1}^{+\infty} (a, b - \frac{1}{n}]$$

to je funkcija  $f'(x)$  mjerljiva na  $(a, b)$ .